



24 Cathedral Road / Heol y Gadeirlan  
Cardiff / Caerdydd  
CF11 9LJ  
Tel / Ffôn: 029 20 320500  
Fax / Ffacs: 029 20 320600  
Email / Epost: [wales@wao.gov.uk](mailto:wales@wao.gov.uk)  
[www.wao.gov.uk](http://www.wao.gov.uk)

Dyddiad: 20 Hydref 2011  
Ein cyf: 541A2011  
Tudalen: 1 o 11

Annwyl gydweithwyr

### **Graddfeydd ffioedd archwilio ac arolygu llywodraeth leol 2012-13**

#### **Yn cynnwys graddfeydd ffioedd am archwilio cyfrifon 2010-11 awdurdodau lleol, cyfiawnder troseddol, gwasanaethau tân ac achub, awdurdodau parciau cenedlaethol, cronfeydd pensiwn a chynghorau cymuned**

Mae'n ofynnol i mi ymgynghori ar y graddfeydd ffioedd sy'n daladwy mewn perthynas ag archwilio cyfrifon cyrff llywodraeth leol yng Nghymru a'u rhagnodi. Mae hefyd yn ofynnol i mi ymgynghori ar y graddfeydd ffioedd mewn perthynas ag archwiliadau, asesiadau ac arolygiadau arbennig a gynhelir o dan Fesur Llywodraeth Leol (Cymru) 2009 a'u rhagnodi.

Mae'r llythyr hwn yn amlinellu fy nghynigion o ran graddfeydd ffioedd ar gyfer 2012-13. Rhoddir gwybodaeth fanylach yn yr atodiadau i'r llythyr hwn.

Mae graddfeydd ffioedd yn darparu fframwaith y gall archwilwyr ei ddefnyddio i drafod ffioedd gyda chyrff llywodraeth leol a chytuno arnynt. Mae graddfeydd ffioedd hefyd yn fy ngalluogi i nodi a herio ffioedd yr ymddengys eu bod yn rhy uchel neu'n rhy isel i alluogi archwilwyr i gyflawni eu cyfrifoldebau'n llawn.

Wrth ragnodi graddfeydd ffioedd rwy'n gwneud fy ngorau i sicrhau bod y ffioedd sy'n dod i law yn galluogi Swyddfa Archwilio Cymru, gan ystyried un flwyddyn gyda'r llall, i fantoli'r gyllideb o ran ei gwaith ym maes llywodraeth leol, ac nad oes unrhyw groes-gymhorthdal rhwng archwiliadau llywodraeth leol a'r rheini ar gyfer llywodraeth ganolog a GIG Cymru.

Mae pob corff sector cyhoeddus, gan gynnwys Swyddfa Archwilio Cymru, yn wynebu'r her o barhau i ddarparu'r gwasanaethau gorau posibl ar adeg pan fo pwysau nas gwelwyd ei debyg o'r blaen ar arian cyhoeddus. Ar sail gronnydd rhwng 2009-10 a 2012-13, rydym yn disgwyl cyflawni gostyngiad o bron 25 y cant yng nghyfanswm y gwariant cyhoeddus mewn termau real. Gwnaethom arbed dros £1 filiwn mewn arbedion untro a chylchol yn 2010-11 yn unig drwy leihau costau a gweithio'n fwy effeithlon mewn meysydd fel costau staff a gwariant TGCh. Roedd y raddfa hon yn eithriadol o ran arbedion yn ystod y flwyddyn ac ni ellir ei hailadrodd yn y dyfodol, ond rwy'n ymrwymedig i adolygu a herio ein gwariant a'n harferion gwaith yn barhaus i sicrhau ein bod yn cyflawni ein gwaith mor gost-effeithiol â phosibl, gan sicrhau'r effaith fwyaf posibl.

Ar yr un pryd, ac i gydnabod y cyfyngiadau ariannol a wynebir gan gyrrff sector cyhoeddus, rydym yn parhau i geisio gostwng ein ffioedd archwilio. Rhwng 2009 a 2011 gwnaethom gyflawni gostyngiad o £1.27 miliwn (wyth y cant) mewn termau arian parod yn y ffioedd a godwyd ar gyfer ein gwaith. Er bod gofynion cyfrifyddu a datgelu newydd y Safonau Adrodd Ariannol Rhyngwladol a'r ffaith bod fersiwn cliriach o'r Safonau Archwilio Rhyngwladol wedi'i gyflwyno yn parhau i ychwanegu at lwyth gwaith archwilwyr, rydym yn parhau i liniaru'r effaith ar gyrrff a archwilir drwy weithio'n fwy effeithlon yn hytrach na chodi ein ffioedd. Rydym hefyd yn parhau i ddatblygu ffyrdd o sicrhau lefelau uchel o sicrwydd cyhoeddus gan ddefnyddio llai o adnoddau, ac mae hyn yn cynnwys dibynnu mwy ar adolygiadau cadarn gan eraill a hunanasesiadau gan gyrrff a archwilir.

Ar gyfer 2012-13, drwy arbed costau, cyfyngu cyflogau a bod yn fwy effeithlon, gallaf gynnig y diwygiadau canlynol i'm graddfeydd ffioedd a'r ystodau o gyfraddau ffioedd cysylltiedig:

- canolrifau graddfeydd ffioedd is ac ystodau ffioedd culach ar gyfer y rhan fwyaf o fathau o gyrrff llywodraeth leol (gweler Atodiad 1);
- ystodau cyfraddau ffioedd is ar gyfer gwaith y mae angen sgiliau, gwybodaeth a phrofiad penodol ac arbenigol i'w cyflawni (gweler Atodiad 2);
- ystod cyfraddau ffioedd is ar gyfer y rhan fwyaf o raddfeydd staff sy'n cyflawni gwaith mewn perthynas ag ardystio hawliadau a ffurflenni, a gostyngiadau i'r gyfran gymharol o uwch aelodau o staff a ddefnyddir ar gyfer gwaith o'r fath (gweler Atodiad 3); a
- dim codiad mewn graddfeydd ffioedd i gyfrif am chwyddiant, sydd wedi parhau rhwng dau a thri y cant er gwaethaf y sefyllfa economaidd barhaus (gweler Atodiad 4).

Gyda'i gilydd gallai fy nghynigion, fel yr amlinellir yn fy amcangyfrif blynyddol o incwm a threuliau (gweler Atodiad 4), gyflawni cylch arall o ostyngiadau ffioedd o hyd at bump y cant mewn termau arian parod dros y flwyddyn i ddod. Fodd bynnag, nid wyf yn disgwyl y bydd y gostyngiadau mewn ffioedd yn cael eu dosbarthu'n gyfartal; yn wir, mae'n ddigon posibl y bydd ffioedd rhai cyrrff yn codi.

Bydd y posibilrwydd o unrhyw ostyngiadau mewn ffioedd yn dibynnu ar amgylchiadau pob corff lleol. Rhaid i'r ffi fod yn ddigonol i ariannu'r gwaith y mae angen ei wneud o ystyried yr amgylchiadau lleol megis yr amgylchedd llywodraethu, risg, trefniadau rheoli ariannol a threfniadau rheoli perfformiad, maint, cymhlethdod a hanes y corff o ran gwelliant. Os bydd angen gwneud gwaith perfformiad ychwanegol neu nas cynlluniwyd o ganlyniad i fethiannau gan gyrff a archwilir o ran darparu'r hyn sydd ei angen ar archwilyr i wneud eu gwaith yn effeithlon, bydd angen codi ffioedd ychwanegol sy'n gymesur â'r gwaith ychwanegol dan sylw. Yn ein holl weithgareddau, rwy'n benderfynol y bydd ein gwaith yn rhoi gwybodaeth gadarn ac annibynnol i bobl Cymru am sut y caiff eu harian ei wario.

Bydd eich tîm archwilio lleol yn gallu darparu mwy o fanylion am ffioedd yn lleol.

Edrychaf ymlaen at gael eich sylwadau ar fy nghynigion o ran graddfeydd ffioedd erbyn dydd Gwener 2 Rhagfyr 2011.

Yn gywir



**Huw Vaughan Thomas**  
**Archwilydd Cyffredinol Cymru**

# Atodiad 1

## Graddfeydd ffioedd

Wrth wraidd y graddfeydd ffioedd arfaethedig ar gyfer gwaith archwilio blynyddol mae dull o gynllunio archwiliad sy'n seiliedig ar sero. Caiff gofynion o ran adnoddau eu trosi'n raddfeydd ffioedd sy'n uniongyrchol seiliedig ar gostau cyflawni'r gwaith, gan gynnwys trafndiaeth a chynhaliath. Cyflwynir graddfeydd ffioedd arfaethedig 2012-13, sydd wedi cael eu meincnodi yn erbyn ffioedd a godir gan asiantaethau archwilio eraill yn y DU, ar ffurf tabl. Bellach mae rhagor o wybodaeth a chanllawiau ar bennu ffioedd, gan gynnwys cynrychioliadau o raddfeydd ffioedd ar ffurf graff, ar wefan Swyddfa Archwilio Cymru, fel rhan o'm hymrwymiad i fod yn agored ac yn dryloyw o ran y ffordd rwy'n gweithredu a'r ffordd rwy'n cyfathrebu â'r cyhoedd (gweler Atodiad 4 am ddolenni).

Mae gwaith archwilio blynyddol yn cynnwys yr holl waith a wneir mewn perthynas ag archwilio cyfrifon, astudiaethau, a gwaith asesu a wneir o dan Fesur Llywodraeth Leol (Cymru) 2009, lle y bo'n berthnasol.

Nid yw gwaith archwilio blynyddol yn cynnwys yr hyn sy'n mynd y tu hwnt i ddyletswyddau cyffredinol archwilwyr, megis her etholwyr, adroddiadau er budd y cyhoedd, archwiliadau eithriadol, arolygiadau arbennig a gwaith sy'n ymwneud ag atal gwariant anghyfreithlon (gweler Atodiad 2).

Mae graddfeydd ffioedd gwahanol hefyd yn gymwys i'r gwaith o ardystio hawliadau a ffurflenni mewn perthynas â grantiau a dalwyd neu gymorthdaliadau a roddwyd i gyrrff gwasanaethau llywodraeth leol (gweler Atodiad 3).

Bydd archwilwyr yn arddel eu barn broffesiynol, a lywir gan fy Nghod Ymarfer Archwilio, safonau cyfrifyddu ac archwilio perthnasol a chanllawiau a gyhoeddwyd ar fy rhan er mwyn pennu pa ffioedd sy'n gymwys i gorff penodol a archwilir o ystyried y math o gorff sydd dan sylw.

Lle na fydd ffioedd arfaethedig yn perthyn i'r raddfa ffioedd benodedig neu lle y byddant wedi newid mwy na  $\pm 10$  y cant o flwyddyn i flwyddyn, byddaf yn adolygu'r ffioedd arfaethedig er mwyn sicrhau bod amgylchiadau perthnasol yn eu hesbonio'n ddigonol. Bydd hyn yn cyfyngu ar y posibilrwydd o weld ffioedd gormodol neu annigonol. Ar ôl cyflwyno'r rheolaethau hyn trafodir y ffi gyda'r corff perthnasol a archwilir ac, yn amodol ar unrhyw wybodaeth bellach sy'n effeithio ar y gwaith i'w gyflawni, fe'i cadarnheir fel y ffi i'w chodi ar y corff hwnnw.

Noder, gan fod trefniadau bilio ar gyfer y gwaith asesu Mesur eisoes ar waith ar gyfer y cyfnod sy'n dod i ben 31 Mawrth 2012, ni fydd y trefniadau hynny'n newid tan fis Ebrill 2012.

Nid yw'r graddfeydd ffioedd ar gyfer 2012-13 yn cynnwys TAW. Fe'i codir ar y gyfradd safonol fel y bo'n briodol.

### Graddfa ffioedd 2012-13 ar gyfer awdurdodau unedol

Gwariant gros £000,000	Ystod ffioedd £000			
	Lleiafswm	Canolrif	Uchafswm	Canolrif 2011-12
100	157	196	235	206
200	192	242	291	256
300	216	273	330	290
400	235	298	361	317
500	251	319	387	340
600	265	337	409	360
700	277	353	429	377
800	288	367	447	393
900	298	381	464	408
1,000	307	393	479	421
1,100	316	404	493	434
1,200	324	415	507	446
1,300	331	425	519	457
1,400	339	435	531	468

### Graddfa ffioedd 2012-13 ar gyfer cronfeydd pensiwn

Pob cronfa bensiwn	Ystod ffioedd £000			
	Lleiafswm	Canolrif	Uchafswm	Canolrif 2011-12
	20.0	27.5	35.0	25

**Graddfa ffioedd 2012-13 ar gyfer awdurdodau parciau cenedlaethol**

Gwariant gros £000,000	Ystod ffioedd £000			
	Lleiafswm	Canolrif	Uchafswm	Canolrif 2011-12
1	10	12	15	14
2	13	17	21	18
3	15	20	24	21
4	17	22	27	23
5	19	24	30	25
6	20	26	32	27
7	21	28	35	28
8	23	30	37	30
9	24	31	38	31
10	25	32	40	32

**Graddfa ffioedd 2012-13 ar gyfer awdurdodau tân ac achub**

Gwariant gros £000,000	Ystod ffioedd £000			
	Lleiafswm	Canolrif	Uchafswm	Canolrif 2011-12
10	30	37	45	39
20	38	48	58	51
30	43	55	67	59
40	48	61	74	65
50	52	66	81	71
60	56	71	86	76
70	59	75	91	80
80	61	79	96	84
90	64	82	100	88
100	66	85	104	91

### Graddfa ffioedd 2012-13 ar gyfer awdurdodau'r heddlu, ymddiriedolaethau prawf a mathau eraill o gyrff

Gwariant gros £000,000	Ystod ffioedd £000			
	Lleiafswm	Canolrif	Uchafswm	Canolrif 2011-12
1	8	10	12	11
5	15	19	23	21
10	19	25	31	27
25	28	36	45	39
50	37	48	59	52
100	48	63	78	69
150	57	75	92	82
200	64	84	104	92
250	70	92	114	100
300	75	99	122	108
350	80	105	130	115

### Graddfa ffioedd 2012-13 ar gyfer cynghorau cymuned a mathau eraill o gyrff sydd ag incwm neu wariant o hyd at £1,000,000

Mae'r raddfa ffioedd ar gyfer awdurdodau'r heddlu, ymddiriedolaethau prawf a mathau eraill o gyrff yn gymwys i gynghorau cymuned a mathau eraill o gyrff llywodraeth leol lle mae incwm neu wariant yn fwy nag £1 filiwn y flwyddyn.

Mae cynghorau cymuned a mathau eraill o gyrff llywodraeth leol sydd ag incwm neu wariant o hyd at £1 filiwn yn cael eu harchwilio ar sail 'sicrwydd cyfyngedig'. Dim ond newidiadau bach sydd wedi'u gwneud i'r ffioedd ar gyfer yr archwiliadau hyn, sy'n amrywio yn ôl trosiant blynyddol, ers i un o'n sefydliadau rhagflaenol, y Comisiwn Archwilio, gyflwyno'r trefniadau archwilio sicrwydd cyfyngedig yn 2001. Mae'r raddfa ffioedd wedi bod yn sefydlog ers 2007 ac nid yw'r ffioedd archwilio wedi cynyddu ar gyfer y cynghorau lleiaf ers 2001.

Er mwyn adlewyrchu cynnydd o ran costau cyflenwi dros y pum mlynedd diwethaf, rwyf wedi adolygu'r raddfa ffioedd archwilio ar gyfer cyrff llywodraeth leol llai ac yn cynnig y newidiadau canlynol ar gyfer 2012-13:

<b>Incwm neu wariant blynyddol (bydd ffioedd yn daladwy ar ba un bynnag fydd uchaf bob blwyddyn)</b>	<b>Math o archwiliad</b>	<b>Ffi arfaethedig</b>	<b>Ffi a godwyd ar gyfer y pum mlynedd diwethaf</b>
£Dim – £1,000	Sylfaenol	Ni fydd ffi yn daladwy	<i>Ni fydd ffi yn daladwy</i>
£1,001 – £5,000	Sylfaenol	£60	£50
£5,001 – £10,000	Sylfaenol	£130	£120
£10,001 – £30,000	Sylfaenol	£150	£135
£30,001 – £60,000	Sylfaenol	£310	£285
£60,001 – £100,000	Sylfaenol	£425	£400
£100,001 – £200,000	Sylfaenol	£575	£550
£200,001 – £300,000	Canolradd	£920	£875
£300,001 – £400,000	Canolradd	£1,100	£1,050
£400,001 – £500,000	Canolradd	£1,520	£1,450
£500,001 – £750,000	Canolradd	£2,045	£1,950
£750,001 – £1,000,000	Canolradd	£2,625	£2,500

Gwariwyd cyfanswm o tua £182,000 ar archwiliadau sicrwydd cyfyngedig ar gyfer cyfrifon cynghorau cymuned Cymru ar gyfer 2009-10, sy'n cynrychioli 0.49 y cant o gyfanswm eu gwariant blynyddol. Byddai'r cynnydd bach a gynigir gennyf yn cynyddu cyfanswm y ffioedd archwilio i tua £195,000, sy'n cynrychioli 0.54 y cant o gyfanswm y gwariant blynyddol.

Dros y 12 mis nesaf, byddaf yn adolygu effeithiolrwydd y gyfundrefn archwilio sicrwydd cyfyngedig o ystyried y materion diweddar a nodwyd gan archwilwyr penodedig ledled Cymru, a byddaf yn ymgynghori ar y trefniadau archwilio ar gyfer 2013-14 a blynyddoedd i ddod. Byddaf yn ystyried y raddfa ffioedd archwilio ar gyfer 2013-14 a blynyddoedd i ddod yn seiliedig ar unrhyw gasgliadau y dof iddynt o'r adolygiad.



## Atodiad 2

### Ffioedd ar gyfer caffael sgiliau, gwybodaeth a phrofiad arbenigol

Mewn rhai amgylchiadau gall fod angen defnyddio unigolion â sgiliau, gwybodaeth a phrofiad arbenigol, gan gynnwys rhai ar waith sy'n mynd y tu hwnt i ddyletswyddau cyffredinol archwilydd, megis her etholwyr, archwiliad anghyffredin, arolygiadau arbennig a gwaith ychwanegol mewn perthynas ag atal gwariant anghyfreithlon. Mae'n hanfodol bod unigolion â sgiliau, gwybodaeth a phrofiad arbenigol priodol yn cael eu defnyddio i wneud gwaith mwy cymhleth yn ôl yr angen. Mae'n anochel yr eir i gostau ychwanegol.

Er mwyn hwyluso'r defnydd o ffioedd nad ydynt yn safonol, rwyf wedi pennu'r ystodau cyfraddau ffioedd canlynol ar gyfer 2012-13 fel sail i drafodaethau lleol. Caiff y cyfraddau ffioedd gwirioneddol a godir eu pennu mewn trafodaeth rhwng yr archwilydd penodedig/arweinydd ymgysylltu a'r corff er mwyn adlewyrchu natur y gwaith sy'n ofynnol.

Graddfa staff	Cyfradd ffioedd fesul awr heb gynnwys TAW yn 2012-13	Cyfradd fesul awr yn 2011-12
Archwilydd penodedig/arweinydd ymgysylltu	£137 i £261	£183 i £275
Rheolwr archwiliad/prosiect	£98 i £131	£112 i £156
Arweinydd tîm/uwch archwilydd	£69 i £92	£80 i £97
Aelodau eraill o staff	£54 i £67	£51 i £69

Efallai y bydd cyfraddau uwch yn briodol ar gyfer darnau penodol o waith. Mewn amgylchiadau o'r fath rhaid i'r archwilydd ymgynghori â mi ymlaen llaw.

### Ffioedd am waith atodol

Gall cyrff a archwilydd wneud trefniadau gyda mi i'r archwilydd penodedig (neu fi fy hun) gyflawni gwaith penodol nad yw'n rhan o'n dyletswyddau cyffredinol.

Ni ddylid cymeradwyo gwaith o'r fath os yw'n golygu y caiff fy annibyniaeth ac uniondeb i, neu annibyniaeth ac uniondeb yr archwilydd, eu peryglu, neu os canfyddir y gellid eu peryglu oni ellir rhoi mesurau lliniaru a rheolaethau priodol ar waith.

Os yw'n bosibl cyflawni gwaith o'r fath o fewn y rheolau hyn, rhaid i'r ffioedd perthnasol gael eu negodi rhyngof i a'r corff a archwilydd ac nid yw'r graddfeydd na'r cyfraddau a nodir yn y llythyr hwn yn gymwys iddynt.

## Atodiad 3

### Ffioedd ar gyfer y gwaith o ardystio hawliadau grant a ffurflenni

Wrth gyflawni gwaith ar hawliadau grant y llywodraeth a ffurflenni eraill o dan baragraff 20 o Atodlen 8 i Ddeddf Llywodraeth Cymru 2006, mae archwilywyr penodedig yn gweithredu ar fy rhan. Mae'n ofynnol i mi, mewn perthynas â phob grant neu ffurflen, adennill swm sy'n cwmpasu cost lawn y gwaith perthnasol a gyflawnwyd.

Telir am y gwaith hwn per diem a bydd y gost yn seiliedig ar yr ystodau cyfraddau ffioedd a nodir isod. Rhoddir hefyd amcangyfrifon o gyfrannau perthynol y graddfeydd staff i'w defnyddio ar gyfer y mathau gwahanol o waith ar grantiau; mae cyfran yr uwch aelodau o staff y dylid ei defnyddio ar gyfer gwaith o'r fath wedi gostwng yn unol â'm strategaeth newydd ar gyfer trefniadau'r gwasanaeth archwilio allanol i ardystio gwariant a ariennir drwy grantiau mewn modd mwy costeffeithiol ledled Cymru (gweler Atodiad 4).

Bydd yr archwilydd yn trafod y ffi wirioneddol i'w chodi gyda'r corff a archwilir. Bydd y ffi yn adlewyrchu maint, cymhlethdod neu unrhyw faterion penodol sy'n gysylltiedig â'r grant dan sylw.

Graddfa staff	Cymsgedd staff o ran grantiau cymhleth %	Cymysgedd staff o ran pob grant arall %	Cyfradd ffioedd fesul awr heb gynnwys TAW yn 2012-13	Cyfradd fesul awr yn 2011-12
Archwilydd penodedig/ arweinydd ymgysylltu	1 i £2	0 i £1	£137 i £220	£183 i £229
Rheolwr archwiliad/prosiect	4 i £6	1 i £2	£98 i £123	£112 i £134
Arweinydd tîm/uwch archwilydd	18 i £21	12 i £16	£69 i £86	£80 i £89
Staff arall	77 i £71	87 i £81	£54 i £67	£51 i £69

Y grantiau cymhleth dan sylw yw:

- BEN01 Cynllun budd-daliadau tai a threth gyngor;
- EUR01 2007-13 Rhaglen Cronfeydd Strwythurol (Cyddyfeirio a Chystadleurwydd a Chyflogaeth Ranbarthol);
- HOU03 Cymhorthdal Cyfrif Refeniw Tai (awdurdodau nad ydynt yn trosglwyddo stoc);
- LA01 Ffurflen ardrethi annomestig cenedlaethol; a
- PEN05 Ffurflen pensiynau athrawon.

## Atodiad 4

### Chwyddiant

Eleni nid wyf yn cynnwys codiad am chwyddiant yn y graddfeydd ffioedd arfaethedig. Drwy anwybyddu chwyddiant fel rhan o'r broses o bennu graddfa ffioedd eleni bydd cyrff llywodraeth leol yn cael budd pellach sydd oddeutu dau i dri y cant (yn ôl data diweddaraf cyfres dadchwyddo CMC Trysorlys EM), a gwmpesir gan archwilyr.

### Dolenni defnyddiol

[Cliciwch yma](#) i gael rhagor o wybodaeth am bennu ffioedd a'n graddfeydd ffioedd cyfredol, gan gynnwys graffiau o raddfeydd ffioedd (yn cynnwys data meincnodi priodol yn ôl yr angen).

[Cliciwch yma](#) am ddolen i'm *Cod Ymarfer Archwilio* ynghyd â dogfennaeth gysylltiedig gan gynnwys datganiadau o gyfrifoldebau.

[Cliciwch yma](#) am ddolen i'm *Hamcangyfrif o incwm a threuliau Archwilydd Cyffredinol Cymru ar gyfer y flwyddyn a ddaw i ben 31 Mawrth 2013*, a gyflwynais i Grŵp Gorchwyl a Gorffen Pwyllgor Cyfrifon Cyhoeddus y Cynulliad Cenedlaethol ar 11 Hydref 2011.

[Cliciwch yma](#) am ddolen i'm *Hadroddiad Blynyddol a Chyfrifon archwiledig 2010-11*.

[Cliciwch yma](#) am ddolen i'm hymgyngoriad ar *Strategaeth Grantiau Swyddfa Archwilio Cymru* a'm hymateb i'r ymgynghoriad.